

tectione suscipimus et presentis scripti privilegio communimus. Statuentes, ut iuxta providentiam et dispositionem Riccardi, Sprenkirbacensis abbatis, eiusque successoris, donec apud eos canonicus ordo viguerit, religio secundum beati Augustini regulam in vestra ecclesia reformetur et auctore domino conservetur. Quascumque preterea possessiones, quecumque bona ex dono Dagoberti regis et filie eius vel aliorum dei fidelium seu alio modo eadem ecclesia iuste et canonice possidet aut in futurum iustis modis deo propitio poterit adipisci, firma vobis et his, que post vos successerint, et illibata permaneant. Decernimus ergo, ut nulli omnino hominum liceat, prefatum monasterium temere perturbare aut eius possessiones auferre vel ablatas retinere, minuere seu quibuslibet molestiis fatigare, sed omnia integra conserventur, earum pro quarum gubernatione et sustentatione concessa sunt, usibus omnimodis profutura, salva sedis apostolice auctoritate et Treverensis archiepiscopi canonica iustitia. Si qua igitur in futurum ecclesiastica secularisve persona hanc nostre constitutionis paginam sciens contra eam temere venire temptaverit, secundo tertiove commonita, si non satisfactione congrua emendaverit, potestatis honorisque sui dignitate careat, reamque se divino iudicio existere de perpetrata iniquitate cognoscat, et sacratissimo corpore ac sanguine dei et domini nostri Iesu Christi aliena fiat, atque in extremo examine districtæ ultioni subiaceat. Cunctis autem eidem loco iusta servantibus sit pax domini nostri Iesu Christi, quatinus hic fructum bone actionis percipiant et apud districtum iudicem premia eterne pacis inveniant. Amen. Amen. Amen.

(R) Ego Eugenius catholicę ecclesię episcopus ss. (M).

† Ego Imarus Tusculanus episcopus ss.

— † Ego Hubaldus presbiter cardinalis tit. sancte Praxedis ss.

† Ego Hubaldus presbiter cardinalis tit. sanctorum Iohannis et Pauli ss.

† Ego Iulius presbiter cardinalis tit. sancti Marcelli ss.

† Ego Wido presbiter cardinalis tit. Pastoris ss.

† Ego Bernardus cardinalis et presbiter tit. sancti Clementis ss.

— † Ego Oddo diaconus cardinalis sancti Georgii ad Velum aureum ss.

† Ego Octavianus diaconus cardinalis sancti Nicholai in Carcere Tulliano ss.

† Ego Gregorius diaconus cardinalis sancti Angeli ss.